



CONVENIO DE COLABORACIÓN ENTRE A CONSELLERÍA DE POLÍTICA SOCIAL E IGUALDADE E A FEDERACIÓN ALCER GALICIA PARA O DESENVOLVEMENTO DUN PROGRAMA DE INTERVENCIÓN PSICOSOCIOEDUCATIVA EN MENORES CON ENFERMIDADE RENAL CRÓNICA EN GALICIA (PROGRAMA MEDRO CON ALCER) NO ANO 2025.

MEMORIA XUSTIFICATIVA E ECONÓMICA

A Consellería de Política Social e Igualdade, a través da Dirección Xeral de Familia, Infancia e Dinamización Demográfica, é o órgano da administración autonómica ao que lle corresponde exercer as políticas autonómicas en materia de acción social e apoio á familia, á infancia e á adolescencia, segundo o disposto na Lei 13/2008, do 3 de decembro, de servizos sociais de Galicia, na Lei 3/2011, do 30 de xuño, de apoio á familia e á convivencia de Galicia

A Federación Alcer Galicia (NIF G70474556) é unha entidade sen ánimo de lucro, inscrita no Rexistro Central de Asociacións da Comunidade Autónoma de Galicia co número 2015/000245-2ª e ten entre o seu obxectivo básico a mellora da calidade de vida das persoas que padecen enfermidade renal crónica (en adiante ERC) e garantir a igualdade no acceso aos servizos sociosanitario.

O convenio ten por obxecto regular o marco da colaboración entre a Consellería de Política Social e Igualdade e a Federación Alcer Galicia no desenvolvemento dun programa de intervención psicosocial con menores con enfermidade renal crónica en Galicia, Programa Medro con Alcer, que ten como finalidade a intervención psicosocial, apoiando e acompañando ás familias para mellorar a súa calidade de vida dentro do seu proceso de adaptación e convivencia coa enfermidade renal crónica, tratando de minimizar as posibles dificultades derivadas do coidado, así como adaptarse á enfermidade e mellorar o seu benestar social, establecendo bases sólidas de coordinación entre todas as partes implicadas na atención, dentro dos procesos de atención sociosanitaria, a persoas menores con enfermidades renais crónicas.

A entidade realizará levará a cabo as seguintes actuacións en relación cos obxectivos do programa a subvencionar:



Obxectivos	Actividades
1.-Establecer un rexistro exhaustivo de todos os e as menores atendidos pola FAG e das intervencións desenvolvidas	1.1. Rexistro de cada menor co que se intervén dende o programa Medro con Alcer e as intervencións realizadas. 1.2. Avaliación anual dos resultados obtidos: nº de menores, idade, segregación por sexo, tipos de intervencións, etc.
2.-Establecer proxectos de intervención psicosocial individualizados con menores afectados por ERC, familias, en coordinación cos equipos sanitarios e entidades de pacientes, ben sexan galegas ou externas, segundo cada situación individual o precise.	2.1. Desenvolvemento de plans de atención familiares individualizados anuais que sirvan de soporte ao crecemento do ou da menor. 2.2. Contacto trimestral con cada familia rexistrada no programa.
3.-Promover a creación de grupos de iguais, tanto de menores, organizados en función da súa idade, como de familiares, creando espazos de axuda común (actividades grupais) nos que promover vos coidados e fomentar a participación en espazos de lecer	3.1. Actividades grupais que fomenten o encontro entre iguais de forma online ou presencial. 3.2. Coordinación co Proxecto de intervención grupal en materia de soporte social, educativo, emocional a través da estrutura de Alcer: Campamento Crece. 3.3. Difusión de novas de interese para as familias de menores con ERC rexistradas no programa a través do envío dun correo electrónico informativo quincenal.
4. Continuar difundindo o programa entre os e as profesionais que traballan con menores con ERC (Pediatría, Nefroloxía, Uroloxía, Educación, Servizos Sociais, etc), do ámbito público e privado.	4.1. Reunións trimestrais para valorar o funcionamento do programa con profesionais sanitarios de referencia dos e das menores. 4.2. Envío de información relativa a este programa a centros educativos, servizos sociais de referencia e outras entidades afíns para as familias no momento en que un ou unha menor sexa alta neste programa.



<p>5.-Establecer unha estrutura sólida que favoreza a intervención integral coordinada entre persoal sanitario e profesionais psicosociais de FAG a través de protocolos de derivación e colaboración.</p>	<p>5.1 Mantemento do protocolo de derivación e colaboración entre a FAG e as consultas de nefroloxía infantil.</p> <p>5.2. Coordinación cos departamentos correspondentes e implicados nas xestións da intervención sociosanitaria con menores.</p>
--	---

A Consellería de Política Social e Igualdade, a través da Dirección Xeral de Familia, Infancia e Dinamización Demográfica, esta interesada en apoiar estas actuacións mediante a sinatura dun convenio de colaboración.

As administracións públicas poden celebrar convenios de colaboración con outras entidades públicas así como con persoas xurídicas suxeitas ao dereito privado ao abeiro do disposto no artigo 6.2 da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, na Lei 40/2015, do 1 de outubro, de réxime xurídico do sector público e máis no Acordo do Consello da Xunta do 27 de marzo de 1991, sobre convenios de cooperación con outros entes públicos e de colaboración con particulares, feito público por Resolución da Consellería de Economía e Facenda do 8 de abril de 1991.

Os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos contemplados na Lei 9/2017 de 8 de novembro, de Contratos do Sector Público, ou doutro instrumento alleo á natureza estritamente convencional.

- Datos económicos

O convenio financiaranse con cargo á aplicación orzamentaria que se indica no seguinte cadro, na cal existe crédito adecuado e suficiente no orzamento a Dirección Xeral de Familia, Infancia e Dinamización Demográfica da Consellería de Política Social e Igualdade para o ano 2025

Aplicación orzamentaria	Ano 2025
08.02.312B.481.0	37.000 €

A concesión da subvención comprende os gastos das actuacións a subvencionar dende o 1 de xaneiro de 2025 ao 15 de decembro de 2025. Ata o 80% do total concedido poderase facer efectivo mediante pagamentos parciais a conta da liquidación definitiva na medida en que a entidade xustifique os gastos e os pagos realizados. O 20% restante abonarase unha vez xustificada a realización da totalidade da actividade subvencionada.

Consideraranse gastos subvencionables aqueles que, de xeito indubidable respondan á natureza da actividade subvencionada.



O seguinte cadro reflicte a comparativa entre os gastos subvencionables con cargo ao convenio 2024, e os previstos para o ano 2025.

	ORZAMENTO 2024	ORZAMENTO 2025
CONCEPTO		
PERSOAL	34.624,22 €	34.817,16 €
OUTROS GASTOS	2.375,78€	2.182,84€
TOTAL ANO 2025	37.000 €	37.000 €

A desagregación de gastos de persoal correspondentes ao ano 2025 é a seguinte:

PERSOAL			
CONCEPTO	Retribución	Seguridade Social da Empresa	Total Anual
Traballador Social	1.264,89€	407,55 €	1.672,44€
Traballador social	2.299,80 €	741,00 €	3.040,80€
Traballadora Social	12.648,90€	4.075,50€	16.724,40€
Psicóloga	10.119,12€	3.260,40€	13.379,52€
TOTAL			34.817,16 €

A porcentaxe de imputación ao convenio da xornada laboral do persoal da Federación é a seguinte:

PERSOAL					
Categoría profesional	Imputación				
	Xornada laboral imputada (horas/semana)	% imputado cada mes	Salario bruto	Seguridade e social da empresa	Total
Traballador social	2,5	7,46 %	1.264,89 €	407,55 €	1.672,44 €
Traballador social	5	50,00 %	2.299,80 €	741,00 €	3.040,80 €



Traballadora social	25	100,00 %	12.648,90 €	4.075,50 €	16.724,40 €
Psicóloga	20	100,00 %	10.119,12 €	3.260,40 €	13.379,52 €
					34.817,16 €

Resulta de aplicación ao persoal da entidade o XVI Convenio Colectivo Xeral de Centros e Servizos de Atención a Persoas con discapacidade.

A desagregación das restantes partidas é a que de seguido se relaciona:

OUTROS GASTOS	
Desprazamento persoal e voluntariado	100,00 €
Xestoría	929,72€
Seguro RC	510,00 €
Seguro prevención riscos laborais	330,00 €
LOPD	140,00 €
Envíos de documentación	50,00€
Material funxible	123,12 €
Total	2.182,84€

Permítese modificacións das anteriores partidas sempre que non sexan superiores ao 10% do importe total do convenio, agás no concepto de gastos por desprazamentos.

O gasto subvencionable en concepto de desprazamentos terá en conta as visitas a centros hospitalarios declarados na memoria final.

- Fitos e obxectivos

As actuacións a desenvolver neste programa, no código de proxecto 2016-174 encádranse nos seguintes obxectivos recollidos no Plan Estratéxico de Galicia 2022/2030.



EIXE 1. O RETO DEMOGRÁFICO.

PRIORIDADE DE ACTUACIÓN PA02 - Mellorar a atención ao benestar e á calidade de vida das familias. .

OBXECTIVO ESTRATÉXICO E01 - Garantir unha estrutura de servizos de atención das necesidades das familias para favorecer que as persoas poidan levar a cabo o seu proxecto familiar en Galicia, así como ter o número de fillos e fillas que desexen, a través do desenvolvemento de actuacións integrais. Impulsar políticas de conciliación para que a crianza dos fillos e fillas e o coidado de persoas dependentes non supoña unha eiva profesional, en especial para as mulleres

OBXECTIVO OPERATIVO OO03 - Programas de apoio ás familias e menores e favorecer as condicións necesarias para que as persoas menores poidan integrarse nunha familia ou desenvolver o seu propio proxecto de vida nas mellores condicións.

Os indicadores sinalados para este ano no dito proxecto 2016-174 "Programa de apoio ás familias" son:

P341.H - Menores e familias beneficiarias de programas e integración familiar, socioeducativos e terapéuticos (homes) - 430

P341.M - Menores e familias beneficiarias de programas e integración familiar, socioeducativos e terapéuticos (mulleres) -470

Os indicadores previstos para o ano 2025 no programa de intervención psicosocioeducativa en menores con enfermidade renal crónica en Galicia (**PROGRAMA MEDRO CON ALCER**) son os seguintes:

Menores e familias beneficiarias do programa (homes: 19 menores , 22 pais)

Menores e familias beneficiarias do programa (mulleres): 18 menores e 20 nais)

- Territorialización

O proxecto desenvólvese, concretamente nas provincias de A Coruña,, Lugo, Ourense e Pontevedra.

A previsión é que o dito programa se desenvolva en A Baña , A Coruña , Avión , Boiro, Brión ,Curtis, Fene, Ferrol , Muros ,Oleiros / Sada , Santiago de Compostela, Monforte de Lemos ,O Barco de Valdeorras , Ourense , Marín , Pontevedra e Vigo

Santiago de Compostela, na data da sinatura dixital do presente documento
O director xeral de Familia, Infancia e Dinamización Demográfica

Jacobo Rey Sastre

